

柯 璜 著

人生基礎哲學

增訂本

乾
兌
惠
存

商務印書館印行

不
術
懷
保
民國三十一年
三月三日
謹贈

柯 璜 著

人 生 基 礎 哲 學

商務印書館印行

中華民國三十三年一月初版
中華民國三十五年十月增訂渝一版（中原道林紙本）

（* 28241 渝）

人生基礎哲學（增訂本）

定價國幣叁元伍角

印刷地點外另加運費

著者 柯 璜

發行人 朱 經 農
上海河南路

印刷所 商務印書館
印刷廠

發行所 商務印書館
各地

版權所必
翻印必究

林序

陪都西郊有歌樂山。相傳爲大禹治水功成。以歌樂勞在事者舊址。山拔出市區千餘尺。松林環繞。風景清幽。而氣候宜人。迥異塵囂。以故來游者日衆。而建築亦日多。遂成一避暑區焉。二十八年夏。余亦小築山館於其上。與雲頂寺爲鄰。時適黃巖柯先生。避寇來渝。安硯寺中。因得與余結識。先生道德文章。一時無兩。曾膺各大學講席有年。樂育英才。誨人不倦。青年學子。受其時雨春風之化者。遍及南北。余昔久耳其名。而以未得一見爲憾。今竟邂逅於此。得與常相過從。宿願獲償。快慰可知。先生工於吟咏。嘗題詩巖石。爲是山生色。又常出其緒餘。爲余指點移石之方。種花之術。一經點綴。卽覺妙趣橫生。俗態爲之滌除淨盡。其風雅有如此者。每值芳辰月夜。時復策杖閒遊。仰觀宇宙之奇。俯察自然之理。時有所悟。輒筆之於書。今夏竟成「人生基礎哲學」八卷。蓋集中外名言嘉訓。醞釀深醇。參以近代科學原理。闡其精微。明其奧義。敘述詳贍。講解透澈。與坊間所刊賢哲格言之僅事鈔胥。初無新意者。迥然有別。洵足以啓迪後學。點化愚頑。其有裨於世道人心。豈淺鮮哉。余既得先睹爲快。故於其付梓也。爲序以歸之。并告世之提倡德育者。

中華民國三十年仲夏林森

孔序

民國紀元之九年。余與黃巖柯先生定礎。遇於太原文廟。後數年。定礎從曲阜。聖林返。道經石莊。復見寓次。言論行動之間。知其始終于城聖學。後常逢於會宴。余糾政務。未克暢敘。然定礎凡有關闡揚聖道述作。時相投贈。聲氣固未嘗一日隔也。南來人士。間及定礎累年所事。或道路傳聞。益覺定礎且於社會人情風俗。民生疾苦憂患。以及人已修爲。國家治亂。宇宙嬗演原理。終未能忘情也。抗戰軍興。定礎由太原避寇。迂道入渝。會余。問以近來新著。笑而唯唯。久之未有見示。余以年來國家大聲疾呼。振新生活。且發動歷代傳統精神。建設全民心理。而泰西有心學者。近亦問津東方文化。於先聖尤所推崇。子思子云。日月所照。霜露所墜。凡有血氣。莫不尊親。殆其時歟。余夙有闡揚先聖羣經之志。定礎近與余往來魚雁。亦時以方今宜特殊崇尚中國正學。標準世風爲言。余因請其商贊組織孔學學會。定礎慨然爲任。既而出所著人生基礎哲理。分爲格致誠正修齊治平八篇。問序於余。余讀各篇。雖非一一注腳羣經。然與羣經微言大義。多相表裏。夫吾人著書立說。非實驗與理想相參。成功與失敗共證。山野與都市雜處。書籍與社會比較。暮年與少壯團體。古代與近今探討。專外與局中反映。物質與精神相輔。聖賢與豪傑對比。華夏與東西參看。喪亂與承平遞歷。則學未必折中。理或有偏見。定礎在晉三十餘年。適際國家鼎革。變故相乘。內憂外患。動魄驚心。與大學諸

生研究天文地人文之餘。仍從事宗聖洗心諸社。來復晉文諸報。三晉養正諸校。圖書教育諸館。天足拒毒諸會。與古今中外朝野人士。涵濡俯仰。上下其議論。所見所聞所思存。與閉戶著書。閉門造車者。不可同年而語。昔達爾文 (Charles Robert Darwin) 靜觀萬物之演進。羣種之變化。歸納推理。有所覺悟。落筆數易稿。徘徊踟躕。至再至三。不敢付梓。迨歷遊高峯過消雪線。航溫海。走南北寒溫熱各帶。生生進化。處處實證。疑者闕之。信者存之。疑信參半者俟之。例外者姑置之。乃於出版前。告世人云。某年月日。當發表某某學說。質於世。及物種由來。The Origin of Species by Means of Paternal Selection 人類後裔。The Descent of Man 動植物趨異性。The Variation of Plants and Animals under Domestication 人類與動物之表情。The Expression of the Emotion in men and Animals 各書出。生物進化之理。得成系統。遠近學者宗之。至今勿替。今定礎此書。語約意賅。取材真確。言中有物。物外有微。必非倉卒歲月所可成。自單簡人我。推而世界倫類。淺近事物。推而大化根源。本人道正義。物理公式。以爲萬變不離之繩墨。闡前人欲闡所未闡。言今人欲言未即言。補身心之修爲。彌羣治之缺憾。亦近世作家之雄且傑者歟。主席林公謂有裨世道人心。蔣委員長稱以覃思孤詣。誠無愧色矣。安得世人家置一篇。爭先重譯。俾定礎之哲理。不脛而走。不翼而飛。流行於大陸洲島。後之瀏覽此書。天宇之際。廓然而遠。胞與之情。悠然而生。當必與余今者低徊愉快。同此懷想也夫。

中華民國三十年冬孔祥熙序於陪都

孔序二

孔學云亡。亡而未嘗亡也。孔學云存。存而未敢云果存也。存亡絕續之交。欲救其亡。必有以開其先。欲永其存。必有以待其後。其勢然也。今者老師宿儒。寥落如晨星矣。然皓首窮經。奮袂而起。揚眉伸紙。蹇然有作。於是闢微言。申大義。別黑白。定主奴。拾舊聞。標新詠。嚴闢放。觀會通。遠紹旁搜。窮源竟委。舉其所詣。成一家言。雖不一其指歸。要各抒其心得。洙泗同風。斷斷如也。吾故曰。孔學云亡。亡而未嘗亡也。道必有待而傳。學必於後有繼。今之後起。自髻齡而勺象。託飛走爲話言。曰端蒙養。撫閭巷之俚辭。以爲文章。非奇字而亦不知。非章草而豈不能正。試問易何以首乾坤。書何以尙典謨。過庭之詩禮無聞。據亂之春秋何志。固瞠乎無以應也。卽謂其逼髡象。明周髡。識考工。知幣致。尙不克以文言。而據其所見。焉能就經術而究其精微。則老師宿儒之著述。又焉能邀其一盼。望其爲宗子。爲替人識大識小。可傳可繼。得乎。此風趨使然。學子固不任咎也。吾故曰。孔學云存。存而未敢云果存也。

黃巖柯定礎先生。盡然傷之。於是有人生基礎哲學之作。其義以孔子有言。自天子以至於庶人。壹是皆以修身爲本。本之云者。基礎是也。修身何謂。人生是也。內而格致誠正。外而修齊治平。皆繫乎此矣。其名則根於理智。而發其菁華。好學深思。心知其意。隨觸而應。有威斯

通。破當世之迷蒙。綜羣經之綱要。以視泰西蘇格拉底諸子。有以異乎。舉而納理智之中。謂之哲學。誰曰不宜。故其爲文。不務艱深。則法言之遺也。不假摹擬。則中論之砭也。不逞辭辨。則論衡之約也。不雜諺俚。又語錄之變也。孔子之學之教。涵濡於吾國之家庭社會國家者。歷二千餘年之深且久。政教於是乎出。當世運汗隆之交。得先生是書。發其蒙而振其落。使後生小子。有所入德而進道焉。亡者於是焉存。存者愈以不亡。其嘉惠也宏矣。其發皇也大矣。餘無文。何敢贊一辭。先生乃俛命引咍。謹綴所知塞責。殊不足以傳是書也。然孔曰吾從。孟曰我願。餘於先生。敢竊比焉。

中華民國三十三年仲秋月孔子誕辰華陽孔慶餘保滋序於錦城之小余正堂

孔序三

黃巖柯定礎先生。以所著人生哲學增訂版稿見示。并囑序言。適日本投誠。行將東返。諸務蟬集。一時未遑執筆構思。茲以全書梓訖。卽將問世。乃匆匆拜讀。知書近格言語錄體。分類彙纂。蓋多先生平生經歷體驗所得積累而成者也。至其精蘊獨到處。諸序已言及。不復贅焉。

一九四五年勝利日孔德成序於重慶

自序

世間多少彰彰道理。半爲前人道出。半爲前人做出。亦有半爲前人道出。未能十分透闡者。又有多少事理。爲新時代錯綜遞演而成。全爲前人道未之及。亦有爲前人渾容道及大概。竟爲今人完全實現而出者。瑣平生所見所聞所身歷。於物我人已間。得其劇烈之刺激。大勢之競演。自然之變化。顯明之例案。擇其有益於人類人生。簡直明瞭。神味淵永者。筆其元要。以爲立身立命。治國治家之公例。章法句讀。近語錄格言。亦間有倣周秦諸子篇例者。文野難投。雅俚互出。長短相間。惟求辭達意醒。見仁見智者。玩索而有所心許而已。夫歷史悠久。世事縱橫。書籍宏富。誠無涯際。瑣自識之無。入世而後。數十年來。未嘗離釋編簡。以至四五十。羣書之義蘊統系。仍多茫然。間或得其統系。窺其義蘊。亦未敢終以自信。蓋由博反約。求簡於繁。以易統難。難矣。況晚近科學分門。精微細密。學者能專一家。已竭蹶焉。生心力矣。欲博覽羣書。遍窺涯涘。果有餘暇耶。卽有宏遠英敏之彥。分神泛覽。然揭其領而鉤其綱。夫亦不易。近世名家。往往專補一科。疏忽人事。爲世所詬病。好學之士。嘗與瑣究古今理。瑣一時應對。旁徵解釋。多所遺漏。退有歉然終日。不能以自克。乃節錄筆記中之切要事情。言簡意賅。如理化算學之公式定例方程。足以供人生注意者。共五百六十問題。分爲五百六十節。由

淺及深。由身及國。以及人羣事理。宇宙原因。分格致誠正修齊治平八卷表出之。俾研求心覺家國之道者。可以互相參證已耳。學問推演。日新不已。事物變化。層出無窮。此區區平生似覺悟之萬一。質之於世。直太倉一粟。滄海一漚。高明者或有以教之也。

民元三十年歲次辛巳春黃巖柯瑣敘於陪都孔學會

再版弁言

續將再版。或問此書何爲而作。答云。瑣起是稿。是多年玩索孔子遺言。證之古代歷史。現今社會。根據孔子學說。闡發注脚之而已。又問。子既云是闡注孔氏學說。按孔經大學格致誠正修齊治平八條目。其中似無如此破碎俚雜話頭。答云。此八篇旁徵曲引。髣髴有礙孔門雅正之理。然不如是迂迴曲折。詳明親切。直截了當出之。無以浹治輿情。顯微眞諦。更難以推顯經旨。於融鑄中西學說之時期。又問。然則中國五千年歷史。四百兆先民。豈無餘子餘篇可取。而必宗主孔氏一家何也。答云。如此廣大悠久世界。諸家衆長。固難枚舉。要知孔子學說。最綜春秋以前。華夏三古百氏。形上人道之長。而集其大成。含容道治禮治人治法治最高哲理。樞紐其萬端。其餘百家羣學體用大旨。不出其範圍。然諸家或適此時。不適彼時。適此疆。不適彼界。利弊得失。消長其間。蓋學說稍形偏倚。從違或發畸形。孔子學說。和平中正。不分時空。農士工商各界。莫不咸宜。故以之格致誠正修齊治平。如日在長天。光臨大地。羣生萬類。向榮欣欣。著書立說。宗主其理。固可俟百世而不惑者也。又問。細讀此篇。其間與歐洲古今哲學。參錯貫通。多相表裏。似不獨取法孔氏何也。答云。中國人心所同然者。西國人心亦所同然。不同者文字語言耳。瑣研人生全盤哲理。瑣亦間嘗參今古中外學理。細按同時人羣心

理生理物理。究竟其優劣強弱盛衰貧富壽夭生死癥結所在。並體會動植飛潛蟲魚草木。分佈繁殖形態發育代謝之原因。終而反求諸萬物皆備於我之神經之所如何感覺。喜怒哀樂之所如何體驗。眼耳口鼻之所如何接觸。發生如何情狀。同此人類。同此筋肉機能。同此形骸應付。雖形形色色。迥象萬殊。而人類一貫精神。要不外求樂利。得健康。永和平。一人情。要不外求寧靜。免破壞。少紛爭。久平治一心理。中國古今賢哲。猶是人情。猶是心理。西國古今賢哲。猶是人情。猶是心理。故此篇無一句越孔子範圍。亦無一節背西儒恆訓。凡一理說到透闢。無論中外文野過去未來。是同不是異。是一不是二也。又問。然則熟而玩之。實而踐之。當生何種效果。答云。果能綱以體。而健以行。在一身為安綏。為福壽。為強種族。推之一國為物阜。為民康。為秩序安甯。反而行之。結果亦必反之。又問。如是如是。古今中外。豈有喜亂惡治。辭強居弱。拒福納禍。苦壽甘天情理者乎。何以古今中外。多格言學案政教利弊羣書。豈皆不之見。未之讀。而禍亂衰亡相乘。人世愁痛悲苦情況。散滿身心家國。不可須臾息乎。答云。人生出世。若大海現浮漚。瞬有瞬無。茫茫泛泛。遑知上下。如長空流飛塵。來也飄然。逝也杳然。誰及悟覺。世不云乎。某也得法。某也走運。某也有道。得法。得此為人處世法也。走運。走此為人處世運也。有道。有此為人處世道也。唯其人少而不能多。識小不能識大。所以世間時生缺憾也。又問。然則此篇應從何處着手。何處實驗起。答云。如果其人有情有。其心身之真福利。國家之真榮華。世界之真和平。無論何地何界。亦不問其男女老少貧

富貴賤賢愚。皆可以按各篇各節。踏實試驗。有成功。無失敗。偶有假失敗。亦已隱隱得其真成功矣。瓚臻衰齡。大可離此大塊。長作無知無何有之逍遙。然際此殺機尚在潛伏。科學推演。文物變化。瞬息萬端。見聞情趣。不可思議。擬復暫存此偶現形骸幾何時。總冀世界同仁。或函或親。彼此質證。求其事事原理明澈至當。有裨益人類之期望。是瓚所敢願也。吾人立論自由。吾人之學說反對贊同。研究實驗。無不自由。此後其有直諒多聞益友。時時往來。明辨省察。能更透過幾層。豈非山野餘年一大快耶。又問。子志遠願宏。覺世之心亦云苦矣。惟普遍學說。實非易易。將以何道行之。答云。撰述此篇如何構思。如何留心。如何條理。如何援例真確。如何措辭顯達。是瓚絕對義務。瓚之義務終。瓚之責卸也。此篇如何試驗。如何廣布。如何重譯。如何集資分贈。是人相對義務。亦是絕對義務。人之義務始。人之責不可卸也。或乃悅然。不復問。錄其回答頗末。爲再版之弁言。

民元三十有五年第一丙戌季春柯瓚識於渝西雲頂古刹

總目

林序

孔序一

孔序二

孔序三

自序

再版弁言

格物篇

致知篇

誠意篇

正心篇

修身篇

齊家篇

治國篇

總目

一
二
三
四
五
六
七
八
九
一〇
一一
一二
一三
一四
一五
一六
一七
一八
一九
二〇
二一
二二
二三
二四
二五
二六
二七
二八
二九
三〇
三一
三二
三三
三四
三五
三六
三七
三八
三九
四〇
四一
四二
四三
四四
四五
四六
四七
四八
四九
五〇
五一
五二
五三
五四
五五
五六
五七
五八
五九
六〇
六一
六二
六三
六四
六五
六六
六七
六八
六九
七〇
七一
七二
七三
七四
七五
七六
七七
七八
七九
八〇
八一
八二
八三
八四
八五
八六
八七
八八
八九
九〇
九一
九二
九三
九四
九五
九六
九七
九八
九九
一〇〇

人
做
基
礎

平天下篇.....

人生基礎哲學

格物篇

聖賢與英雄

英雄計現在。有時不必計將來。聖賢問現在。無時無不問將來。

逆境要能利用

天下無苦境。亦無逆境。問其人能否順受。能否利用。

古人之邏輯

由仁義行。非行仁義。人能弘道。非道弘人。集義所生。非義襲而取。聖人立言。於邏輯之論理最精。後世不察。稍爲倒置。流弊何極。

人生自然樂境

四時花木。四時風景。四時食物。以及人生少而壯。壯而老。循環遞邇。皆造化所以賜人日新情趣。人能領略得此情趣。其味無窮。都爲樂境。何必更尋分外之樂。何必再耽苦中之樂。

天然治療

格物篇